



www.BibleForChildren.org

cēnisis 1




micimāc ohci kisēmanito ki
osihtāw kisik mina aski.



anima aski namawiya ki kiskinawāsinākwan mina ki
pisisikwāw; ēkosi wanitipiskāw ki
ayāw timihk; ēkosi ot ahcāhkwa
kisēmanito ki papā
sowākēyiwa
ē waskitipēyāki nipiya.




kisēmanito māka ki itwēw, māhti kita wāsēyāw; ēkosi ki
wāsēyāw. kisēmanito mina ē wāsēyāyik kisikāw ki
isiyihkātam, ēkosi ē wanitipiskāyik tipiskāw ki
isiyihkātam; ēwako ē otākosik mina ē kēkisēpāyāk
nistam ē ki kisikāk.



ēkosi kisēmanito ki itwēw, kiyām kita ihtakwan ē
nayēwatakotēk mēkwāc nipihk, ēkosi kita ohci
piskihtinikātēki nipiya nipihk ohci. ēkosi kisēmanito kā
nayēwatakotēk kisik ki isiyihkātam. ēwako ē otākosik
mina ē kēkisēpāyāk niswāw ē ki kisikāk.



mina kisēmanito ki itwēw, māhti nipiya sipā kisikohk kā
ayāki pēyakwanohk kita māwasakopayiwa mina kiyām
anima pākwaskamik kita nokwan; ēkosi ki ihkin. mina
kisēmanito aski ki isiyihkātam anima pākwaskamik; mina
ē ki māmawipayiki nipiya kihcikami ki isiyihkātam; ēkosi
kisēmanito ki wāpahtam ēwakwēyiw ē miywāsiniyik.



mina kisēmanito ki itwēw, māhti aski kita
nihtāwikihtāmake maskosiya, mina minisāhtik mina
kā sākaskik kē nihtāwikihcikēmakahk kē
minisiwit ē towikāniwit, tipiyaw
kē nihtāwikihisot askihk;
ēkosi ki ihkin. ēwako ē
otākosik mina ē

kēkisēpāyāk

nistwāw ē ki kisikāk.




ēkosi kisēmanito ki osihēw niso ē kihci wāsisoyit; ana
ayiwāk kā kihkāyāsawēt kita tipēyihthak
kisikāw, ana māka nohtaw kā
ispitāsawēt kita tipēyihthak tipiskāw;
acahkosa mina ki osihēw. ēwako ē
otākosik mina ē kēkisēpāyāk
nēwāw ē ki kisikāk.



mina kisēmanito ki itwēw,
māhti anihi nipiya kita wēyoci
nihtāwikhēwak anihi
osihcikana ē waskawiyit
mina ē pimātisiyit, mina
kē papāmiyāt askihk
ispimihk isi
nayēwacikisikohk. ēwako ē
otākosik mina ē kēkisēpāyāk
niyānanwāw ē ki kisikāk.




mīna kisēmanito ki itwēw, māhti aski kita
nihtāwikihtāmakan ē pimātisiyit osihcikana ē
towikāniwiyit, awakān mīna kē pimitācimocik, mīna
askiwi pisiskiw ē towikāniwit; ēkosi māka ki ihkin.



mina kisēmanito ki itwēw, māhti osihātān ayisiyiniw kit
isinākosiwinināhk kita naspitākoyahk, mina kiyām
wiyawāw kita tipēyimēwak kinosēwa kihcikamihk mina
piyēsisa, mina awakāna, mina kahkiyaw aski; mina tahto
kā papāmitācimocik
waskitaskamik. kisēmanito
māka ki wāpahtam tahto kēkway
kā ki osihtāt, cist māka,
naspic ki miywāsin.
ēwako ē otākosik mina
ē kēkisēpāyāk
nikotwāsikwāw ē
ki kisikāk.



ēkosi kā tipēyihcikēt kisēmanito ki otinēw anihi nāpēwa
ē ki pakitināt anita itin nihtāwikhcikanihk, kita
nānapācihtāyit mina kita kanawēyitamiyit.



kā tipēyihcikēt kisēmanito
māka ki itasowātēw anihi
nāpēwa, ē itwēt, kā itasit
mistik nihtāwikicikanihk
kā ayāt wānatak ki ka ki
mominātāw; māka wiya
mistik kā ohci
kiskēyihcikātēk kā miywāsik
mina kā māyātahk,
namawiya ki ka mominātāw;
cikēmā anima ē kisikāk
ēwako mominātaci kēcinā
ki ka nipin.



ēkosi ātam ki wiyēw kahkiyaw awakāna, mina piyēsisa
kā papāmiyāyit kisikohk mina kā ihtasiyit pisiskiwa piko
ita kā ayāyit; māka wiya ātam namawiya
ki itāyiwa kē o wicēwākanit.



kā tipēyihcikēt kisēmanito māka ki isihcikēw
posākwāmiwin kita otihtikoyit ātama ēkosi ki nipāyiwa, ki
otinamwēw māka pēyak ospikēkaniyw, ēkosi ki
kipowiyāsēnam ita kā ki ohci otinahk;
anihi māka ospikēkan,
kā tipēyihcikēt kisēmanito
nāpēhk kā ki ohci otinahk,
ki osihēw iskwēwa,
ēkosi ē ki
pētamawāt nāpēwa.



ēwako ohci ayisiyiniw kē nakatāt
otāwiya mina okāwiya, kita wicēwāt
wiwa: wiyawāw māka kata
pēyako wiyāsiwiwak.



wiya kisēmanito ēspici sākihtāt aski,
ki mēkiw o pēyako kosisāna, piko
awiyak ē tāpwēyēyimāt ēkā kita
nisiwanātisit, māka kita ayāt
kākikē pimātisiwin.



romana 3:23 kahkiyaw māka awiyak ki wanitotam, mina
notēpayiw o kistēyitākosiwin kisēmanito;

romana 6:23 cikēmā ē isi kispinacikēmakahk maciitiwin
ēwako nipowin; māka o mohci mēkiwin kisēmanito ēwako
kākikē pimātisiwin Christ cisas kā tipēyimikoyahk ohci.

hiparowa 9:27 ēkosi cikēmā ē itakitamāht ayisiyiniw
pēyakwāw kita nipit ēkosi mwēstas iyikohk kita
ayāk oyasowēwin;

ipisiyana 2:8,9 cikēmā kisēwātisiwin kā ki ohci
pimāciikawiyēk tāpwēyēyitamowin ohci; ēwako māka
namawiya kiyawāw kēhciwāk ē ayāyēk: ēwako
o mēkiwin kisēmanito:

namawiya atoskēwina ohci, ēkā awiyak ayisiyiniw
kita kakicimot.



romana 10:9,10 cikēmā kispin ācimaci kitonihk cisas ē
tipēyihcikēt, mina tāpwētamani kitēhihk kisēmanitowa ē ki
waniskānikot nipowinihk ohci, ki ka pimācihon:

cikēmā otēhihk ayisiyiniw tāpwētam kwayaskitātisiwinihk
isi; mina otonihk ohci ācimo pimācihiwēwinihk isi.

sēnt cān 3:16,17 wiya kisēmanito ēspici sākihtāt aski, ki
mēkiw o pēyako kosisāna, piko awiyak ē tāpwēyēyimāt ēkā
kita nisiwanātisit, māka kita ayāt kākikē pimātisiwin.

wiya kisēmanito ki pē isitisawēw okosisa ota askihk
namawiya kita oyasowātamiyit; māka wiya kita ohci
pimātaniyik aski.



1 sēnt cān 5:11-13 ēwako māka oma ācimowin kisēmanito
ē ki miyikoyahk kākikē pimātisiwin, oma māka pimātisiwin
kikiskākoyiwa okosisa.

ana kā ayāwāt okosisimāwa ayāw pimātisiwin; ana ēkā kā
ayāwāyit kisēmanito okosisa namawiya ayāw pimātisiwin.

ēwakoni ohi ki ki masiniamātināwāw kita kiskēyitamēk ē
ayāyēk kākikē pimātisiwin, kiyawāw oti kā tāpwētamwāyēk
o wiyowin kisēmanito okosisa.



cēnisis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

This Bible text is a transliteration of a corrected edition of the 1908 Western Cree Bible (crk); it is in the public domain.

<https://www.bible.com/bible/2084/GEN.1.KKMR>

©2026 Bible for Children, Inc.

www.M1914.org

www.bibleforchildren.org

